

www.e-rara.ch

Opera omnia Ioannis Pici, Mirandulae concordiaequae comitis, theologorum & philosophorum ... principis: viri, sive linguarum, sive rerum, & humanarum & divinarum, cognitionem spectes, doctrina & ...

**Pico della Mirandola, Giovanni Francesco
Reuchlin, Johannes
Henricpetri.**

Basileae, [1557]

Stiftung der Werke von C.G.Jung, Zürich

Shelf Mark: Online

Persistent Link: <http://dx.doi.org/10.3931/e-rara-7988>

Ioan. Pici Mirandulae verba ipsa prophetae quae exponenda suscepimus haec sunt.

www.e-rara.ch

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien - von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material - from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes - des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

Nutzungsbedingungen Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelnformationen angegeben. Für weitere Informationen siehe auch [\[Link\]](#)

Terms of Use This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [\[Link\]](#)

Conditions d'utilisation Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [\[Link\]](#)

Condizioni di utilizzo Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [\[Link\]](#)

VERBA IPSA PRO-

phetæ quæ exponenda suscepimus hæc sunt.

IN principio creauit Deus cœlum & terram: terra autem erat inanis & uacua, & tenebræ erant super faciem abyssi, & spiritus domini ferebatur super aquas, & dixit Deus fiat lux, & facta est lux, & uidit Deus lucem quòd esset bona, & diuisit lucem à tenebris, appellauitq; lucem diem & tenebras noctem, factumq; est uespere & mane dies unus. Dixit quoq; Deus fiat firmamentum in medio aquarum, & diuidat aquas ab aquis, & fecit Deus firmamentum, diuisitq; aquas quæ sub firmamento ab his quæ erant super firmamentum, & factum est ita: Vocauitq; Deus firmamentum cœlum, & factum est uespere & mane dies secundus. Dixit uero Deus congregentur aque quæ sub cœlo sunt in locum unum & appareat arida, & factum est ita & uocauit Deus aridam terram, congregationesq; aquarum appellauit maria, & uidit Deus quòd esset bonum, & ait germinet terra herbam uiuentem, & facientem semē & lignum pomiferum facientem fructum iuxta genus suum, cuius semen in semetipso sit super terram, & factum est ita. Et protulit terra herbam uiuentem & facientem semen iuxta genus suum lignumq; faciens fructum, & habens unumquodq; sementem secundum speciem suam, & uidit Deus quòd esset bonum, & factum est uespere et mane dies tertius: Dixit autem Deus: Fiant luminaria in firmamento cœli & diuidant diem ac noctem & sint in signa & tempora & dies & annos ut luceant in firmamento cœli, & illuminent terram, & factum ita, fecitq; Deus duo luminaria magna, luminare maius ut præesset diei, & luminare minus ut præesset nocti. Et stellas, & posuit eas in firmamento cœli ut lucerent super terram, & præessent diei ac nocti. Et diuiderent lucem ac tenebras, & uidit Deus quòd esset bonum, & factum est uespere & mane dies quartus. Dixit etiam Deus, producant aque reptile animæ uiuentis & uolatile super terram sub firmamento cœli: Creauitq; Deus cetera grandia & omnem animam uiuentem atq; motabilem quas produxerant aque in species suas, & omne uolatile secundum genus suum, & uidit Deus quòd esset bonum, benedixitq; eis dicens. Crescite & multiplicamini & replete aquas maris, auesq; multiplicentur super terram, & factum est uespere & mane dies quintus. Dixit quoq; Deus producat terra animam uiuentem in genere suo, iumenta & reptilia terræ secundum species suas, factumq; est ita, & fecit Deus bestias terræ iuxta species suas, iumenta & omne reptile terræ in genere suo, & uidit Deus quòd esset bonum. & ait: Faciamus hominem ad imaginem & similitudinem nostram, & præsit piscibus maris & uolatilibus cœli & bestijs uniuersæ terræ omniq; reptili quod mouetur in terra, & creauit Deus hominem ad imaginem & similitudinem suam ad imaginem Dei creauit illum.

Hactenus exponendum Mosem suscepimus. Totā autem expositionem in septem libros siue tractatus partitus sum, potius ut imitarer Basilium & Augustinum quam propterea quòd hac crebra distinctione quasi interiungens legentis intentio recreatur. Accedit quòd cum septem sint expositiones septem libris digestæ singulicq; libri septem capitibus diuidantur septem creationis diebus omnia respondent. Factum item à nobis ratione congruentissima, ut quemadmodum septima dies apud Mosem sabbatum est & dies quietis: ita expositio quælibet nostra septimo semper capite in Christum deriuetur, qui & finis est legis, & nostrum est sabbatum, nostra quies, nostra foelicitas.